

Кәсіби маман болудың басты кілті өз қолымызда

Бұл жоба – ерекше... Ерекше деуімнің өзіндік себебі бар. Жобаның негізгі нысаны – мәтін (көркем емес жанрдағы – ғылыми, публицистикалық, ресми-іскери). Өміріміз ірілі-ұсақты, маңызды-маңызды емес, қызықты-жалықтыратын мәтіндерге толы. Олар – күнделікті сіздің sms-хабарламаларыңыз, чаттағы жазбаларыңыз, хаттар мен мәліметтеріңіз, есептеріңіз т.с.с.

Адам, соның ішінде замануи «цифрлық» қоғамның адамы күнделікті 80%-дан астам уақытын байланыста – коммуникациялық әрекетте өткізеді. Мәтін, мықты мәтіндер, тартымды баяндамалар, қызықты мақалалар, ұтымды есептер мен жоспарлар қазіргі қызметкерлердің өзіндік брендіне айналды. Оған қол жеткізу – үлкен шығармашылық жұмысты және арнайы дайындықты, үйренуді талап етеді. Бұған менің осы жобада көзім жетті...

Мықты мәтінді жазуға дағдылану, авторлыққа дайындау – жобалық тақырыптың мақсаты. Қандай саланың маманы болмасын, ауызша не жазбаша мәтін құрумен айналысады. Түрлі саладағы маман иелерін осы жобаға қатысуға кеңес берер едім. Әкім, экономист, дәрігер, педагог, инженер де, барлығы – мәтінмен жұмыс жасайды.

Жақсы деңгейде жазылатын, айтылатын мәтін – кез-келген маманның кәсіби көрсеткіші. Мықты мәтіндер жаза білу – бірден-бір қажетті құзыреттілік. Ал, біз, осы жобаға қатысушы студенттер, бұл мүмкіндікті жоба негізінде пайдаланудамыз.

Жоба форматында көркем емес мәтіндерді жазуға үйрену шығармашылық тәжірибені ұштайды. Тек тіл грамматикасын ғана біліп қоймай, тілді шебер де ұтымды қолдануға үйренудеміз.

Біз білікті маман болуды бүгінгі күні бастадық!

Филология мамандығының 3-курс студенті

Өтенова Гауһар